

## Ebe onodode ni IPita O keke

<sup>1</sup> Mhemhe iPita aghiusomhi na kee oyi iJesu iKirisiti mhi keke ebe ona ghi e egbo ni Eshinegba o ze, ni a khi epfese shi elemhi eke agbo, ni a miatse ku asha khi asha eke iPontusi, ali iGalesha ali iKapadosha ali Esha, ali iBitinia. <sup>2</sup> Eri Eshinegba ita o ze e abi o li ghole oli shi, o rote ikanya eyi Ayemhe-nọ-pfuase khuese-a pfuase ni a ke suo eso na iJesu iKirisiti ali ni o ri oia eyi iKirisiti re e khi egbo oda shi ugamhi oyoli.

Opfomhe ali okhale ni e gbeku o, e ka nu e la.

### *A kuęhie Eshinegba shi Irudushi ni o mhue agbo*

<sup>3</sup> Awa kuęhie Eshinegba, ita iJesu iKirisiti Onomhue. Itobo ilelemhi oniemhi ni o mholi na awa o ro rote eghuli guise iJesu iKirisiti le. Onana o ri agbo onogbo ali irudushi ni o mhue agbo na awa. <sup>4</sup> Loli o li ri awa ri eloe shi eke e khe ugu ni Eshinegba o ro shi agho o khe egbo eyoli. Iloghie o re we shi ne, ni o khi asha ni ea la ke-a, ni ea la pfueche, wekhi eri e ya taa. <sup>5</sup> Eye e eni ugu ena e khi, ikhi ee ni a mholi iregbenga, ni Eshinegba o ri ekpabo eyoli khukhu shi e khe imiepfuese, ikhi imiepfuese ni a ya rokhase ikpukhokho agbo. <sup>6</sup> A ze ni onana o ri egbe ke mu e ini o tseku khia khi a ya mholi iyeseudu-a ukuku eghenge irari imhese bino ebubu ni a ya me. <sup>7</sup> Eri a ri ena mu e fe bino ni a me ini egbegbo irudunga oye e o khi. Igholu

ni ọ li opfu-a, erali a rọ ọ mhẹşẹ ọli bino ni a mẹ ini egbegbo o khi. Igho a ya li mhẹşẹ irudunga oyeş ni o mu ẹloe doşẹ igolu bino, ni a mẹ asha mie ekpe ali ikueghie ali ufumhi ẹle ni iJesu ọ ya nyene egbe bhale. <sup>8</sup> A nono ingme oyoli, a gbo mie ọli suo, aboriekhia khi aa mẹ ọli ẹloe ghue. A mhọli oghẹle oniemi ni unu ọa dobe ẹ ngme. <sup>9</sup> Itobo khi u mhọli imiepfuese elemhi ayemhe oye, o ze khi a miesuo, a regbenga li.

<sup>10</sup> Eri emekeguele ngme ingme okhale ni ọọ bhale deba ẹ, e kuegbe-a guano bie abi Eshinegba ọ li ya mie egbo eyoli pfuese, onana o ze ni e rọ ngme angme-shi-ekẹ oyi oni imiepfuese ona.

<sup>11</sup> Ayemhe oyi iKirisiti ni o la emekeguele udu o gueye we abi iJesu ọ li ya mẹ osoli, neni ọ ya mẹ ufumhi oniemi, eghẹghẹ ni e rọ ngme ungmehi ameguele. E roshẹka guano ni e leşẹ oghuo ọ ya khi oni iKirisiti ali abi eni ingme e ga li ya de nyaa.

<sup>12</sup> Eshinegba ọ rokhase eni emekeguele khi ọa khi itobo eleli oyewe a rọ ri emhi ena khase we ama irari oye ẹ. Memena, eni emekeguele e she gue eni ingme ena nya ye ẹ, abi ekpabo Ayemhe-no-pfuase ni ọ rote iloghie bhale ọ li gue we ye we. Eri igeni e lili nono ni wewe e li mẹ eni ingme ena.

### *A ke la angeli ipfuase*

<sup>13</sup> Irarigho, a bino angeli bie ke ngeli ni a mu egbe shi ugamhi oyi Eshinegba, a ke te ẹloe ekẹ, a ri udu oye ẹ shi isomhelemhi ni a ya mẹ ogbele ni a ya ri iKirisiti khase. <sup>14</sup> Abi eniye ni ẹş suo esọ na Eshinegba ni ọ la iloghie, a khi nyene egbe ukhokho je angeli ni u kpe ngeli neni a leşẹ ungmehi oyi Eshinegba. <sup>15</sup> Leşẹ khi Eshinegba ni ọ lu ẹ, ọ

ma pfuase ni a li gho mholi ingeli ni e pfuase shi emiemini a rieḷe nya. <sup>16</sup> Ebe-no-pfuase oḷo, “Ze ni u khi oni o pfuase, itobo khi mhemhe mhi pfuase.”\*

<sup>17</sup> Ini o khia khi Ita wa lu Eshinegba ini u wa so iromhi, ikhi ita ni oḷa ya gbe azeba ini oḷo gue ezo, ri ekpe ali ulishi ke ga li aborokhia khi opfese eke agbo u khi egho. <sup>18</sup> Irari khi a lese khi oḷa khi emhi nabi igolu ali elomho ni eḷe li opfu-a a ro pfa e shi eke, lase elemhi imu ali angeli afue le, ni eni e bia e e roshi eke na e. <sup>19</sup> Oḷia ni e ghalḷe eyi iJesu iKirisiti, ni o khi omi osumha ni oḷa mhue ichimhi, a ro luase obo na awa. <sup>20</sup> Eshinegba o ze oḷi neni a ma agbo, o gbo ri oḷi lasele khase eḷbo ikpukhokho agbo ni awa la ena, irari oye e. <sup>21</sup> Obo oyi iJesu a te mie Eshinegba suo ni o te eghuli guise oni iJesu le, ni o gbo ri ufumhi oniemhi na li, irarigho a mholi irudunga ali irudushi na Eshinegba.

<sup>22</sup> Aborokhia khi a she ri udu eye e khi eni e pfuase egho, abi a ri ungmehi igesikia a gbe akanya, ni a ro mholi inono na egbe e abi a ga miesuo, a kie ligho ke nono ingme egbe e. <sup>23</sup> Irari khi ungmehi oyi Eshinegba ni o mhue agbo na agboagbo a ro rieḷe e bia, oḷa khi emini eḷe pfua a ro rieḷe bia. <sup>24</sup> Ebe-no-pfuase o ngme gho khi,

“Eri eḷbo nya  
 e li abi ebuli.  
 Eri isomotse oyewe  
 o li abi udodo.  
 Ini ebuli o khakha-a,  
 udodo e de o kua.

<sup>25</sup> Ama eri ungmehi

---

\* **1:16** Li ze iLev 11.44,45; iLev 19.2; iLev 20.7

oyi Ẹshinẹgba o laọ agbọagbo.”†  
Ona o khi usomhi onete ni a tṣẹ abọ ye ẹ.

## 2

### *Ẹchẹ ni o mhọli agbọ ali ushishi no pfuase*

<sup>1</sup> A she riẹlẹ ẹ bia, irarighọ, khi kono onobe shi elemhi deba ọgbọ, khi ke lo ẹgbhọli, khi ke ngeli ingeli abamemhẹ, khi ke dọ ọgbọkọghuo ọkọnyọ ali khi ke ngme ungmehi yese ọgbọ-a. <sup>2</sup> Ochoghọ, zẹ ni angeli oye ẹ e li abi oyi emofẹ. Okiamhi egbegbi amẹ inyeli eyi ayemhẹ ni o khi ungmehi oyi Ẹshinẹgba, o ke gbe ẹ. Eni a kha da, o rẹẹ fu shi imiepfuese, <sup>3</sup> mena ni a she mu Ọnọmhue fẹ bino ni a mẹ ọli mẹ khi ọọ ti.\*

<sup>4</sup> Abi a li bhale deba Ọnọmhue ni ọ khi ẹchẹ nọ mhue agbọ, ni ẹgbọ e kie, ama Ẹshinẹgba ọ zẹ ọli, ọ mu ọli ẹloe. <sup>5</sup> Ighọ, ẹẹ abi echẹ ni e mhue agbọ, a rọ tọ owa ayemhẹ, ni a khi ekpodalo-ugamhi eyi Ẹshinẹgba ni e pfuase, ni a ke luasobo ena ayemhẹ eni e ghọle Ẹshinẹgba, rọte obọ oyi iJesu iKirisiti.

<sup>6</sup> Irari khi Ebe-no-pfuase ọọ,

“A bino khi mhi ri

ẹchẹ gbe eke shi iZayo,

ẹchẹli ẹbẹ ni o mu owa mhue,

ni mhi zẹ ni o mu ẹloe.

Oni ọ da ri egbe da li ne,

ọa ya mẹ omama.”†

<sup>7</sup> Irari khi ẹchẹ ona oni o mu ẹloe o khi na ẹẹ ni a mie ọli suọ. Ama eni ẹa mie ọli suọ, o khi,

“Ẹchẹ ni itsona e kie,

ni o tigbe mele oni

† 1:25 Li zẹ Aza 40.6-9 \* 2:3 Li zẹ Iwolo 34.8 † 2:6 Li zẹ Aza 28.16

o mu ẹloe ne nya-a.”†  
 8 “Onana o kie gbo khi  
 ẹche ni ebubu ẹgbọ  
 e ya kholo awẹ shi  
 ukpokpomhi ẹche  
 ni o ya pfi wẹ gbe.”

Itobọ khi ẹa ri ungmehi oyi Ẹshinẹgba gbe akanya  
 e rọ de. Abi o kha li wẹ o li eghọ. §

9 Ama eni Ẹshinẹgba ọ zẹ a khi, ni a khi ekhemhẹ  
 ni ẹẹ ga Ẹshinẹgba, ushishi na ipfuase, ẹgbọ enayi  
 Ẹshinẹgba, ni a rọ mẹ asha ri ikuẹghie na ọni ọ rọte  
 alo ebili lu ẹ lasele bhale ákpá ni o somhotse oyọli.\*

10 Eghẹghẹ ni o dọsẹ aa kpe khi ẹgbọ eyi Ẹshinẹgba,  
 ama memena, ẹgbọ eyi Ẹshinẹgba a ke khi, aa kpe  
 mhọli ilelemhi na ẹ, ama memena Ẹshinẹgba ọ she  
 mhọli ilelemhi na ẹ. †

### *Ighumha eyi Ẹshinẹgba*

11 Emọle mhe, mhi lema ẹ, ẹẹ abi epfese ni a  
 la elemhi agbọ ona, a lase oghumhẹ ni e khi eyi  
 olamhẹ le, ni e mu okhọli ẹ vule shi isamhi eyẹ ẹ  
 ọ. 12 A kie ke ngeli ingeli enete elemhi ifuabọ oyi  
 ẹgbọ ni ẹa miesuọ. Ini e tseku ẹ zẹ ẹ unu, e kie ke  
 mẹ ingeli enete ni a ngeli, ni e ke kuẹghie Ẹshinẹgba,  
 ogbele ni ọ ya bhale deba awa.

### *Iregbe-tiemhie na Enighie ali Ega eyawa*

13 A ri itobọ Ọnọmhuẹ ke ri egbe ẹ tiemhie na eni  
 ẹẹ mhẹsẹ nya ni a mu vule shi iteva ẹgbọ. Okekhi  
 oghie ni ọ funẹ, 14 okekhi igovunọ ni ọni oghie ọọ

† 2:7 Li zẹ Iwolo 118.22 § 2:8 Li zẹ Aza 8.14-15 \* 2:9 Li zẹ  
 Okiali 19.5-6; Aza 43.20,21; iDeut 4.20; 7.6; 14.2; iTatọ 2.14; Aza 9.2

† 2:10 Li zẹ Osia 2.23

ghie ọ ke nase eni e pfido, ali e ke kuęghie eni e rieę onete. <sup>15</sup> Irari khi eri Eshineęba ọọ nono ni a pfi eębo ọkhọlo okpe unu, rote angeli enete ni a ya ke ngeli. <sup>16</sup> A ke ngeli abi eębo ni ęa mhọli ọzuode, ama a khi zudigba umha mhọli ọzuode oyeę ke ngeli ingeli ebe. A ke ngeli abi eni eę ga Eshineęba. <sup>17</sup> A ke ri ekpe na oębokpa. A nono ingme oyi eębo ni a ga ro khi ena irudunga. A ke na ulishi oyi Eshineęba. A gbo mu ekpe ę na oghie.

<sup>18</sup> Eę ni a khi eni eę ga, a ri egbe ę tiemhi eke na eni e khi ega eye ę. Ọa khi ega ni eri opfomhe ngeli deba ę tse ama li shi eni ę ngeli angeli ni o ze deba ę. <sup>19</sup> Eshineęba ọ ya khivose ne ini u ri egbe mie osoli anasemhe ni u wa kha me, itobo khi u lese oghumhe oyi Eshineęba. <sup>20</sup> Eleli onoghwo o la ọ ini oębo ọ me osoli shi umha-sueso ni ọ rieę? Ama ini u wa me osoli shi onete ni u rieę, ni u ro ri egbe mie ọli, Eshineęba ọ ya khi vose ne shi ọ. <sup>21</sup> Irari onana Eshineęba ọ ro lu ę, abi iJesu ọ ro me osoli na ę ro ri angeli irokhokho shi eke na ę ni a ke deba. A roshęka ke deba oni angeli. <sup>22</sup> Ọa lamhe olamhe okhoghuo, wekhi eri a me khi ọ ngme ungmehi eębhọli.† <sup>23</sup> Abi eębo e ro tseku u tsue ọli, ọa tsue we shi ọ. Abi ọ ro tseku me osoli ọa tsekha we. Ama eri ọ ri eębọli mhọli Eshineęba obo, oni ọ guę so ęzo shi ode igesikia.§ <sup>24</sup> IKirisiti lolighwo ọ tsua olamhe eyawa shi egbe je apfida, ini awa khi ghu eghuli olamhe, ama ni awa la agbo igue-ngeli elemhi ipfuase. Utse ni a kuale ọli o ri awa ze.\* <sup>25</sup> Eri a kpe la agbo abi osumha ni ọ waa, ama

† **2:22** Li ze Aza 53.9   § **2:23** Li ze Aza 53.7   \* **2:24** Li ze Aza 53.5

a she mu pfi deba Ọni Ọrisumha-kia ni ọ khi ọni ọ  
khekhe ayemhe o ye.†

### 3

#### *Angeli oyi ikpotso ni e la ughue ali odọ we*

<sup>1</sup> Eẹ ni a khi ikpotso, a nyese ukhomhi na edo  
e, ishegho a khi me ongewe ni o mie ungmehi  
oyi Eshinegba suo, ni eni edo e ri itobo ekpe ni  
a mhọli a na we ali angeli eyi e mu udu pfi, ini  
aa ke tseku ngme ungmehi unu lasele,\* <sup>2</sup> ini eẹ  
me angeli ipfuase ali angeli ekpe ni a ngeli. <sup>3</sup> Khi  
ze ni isomhotse oye o rote akhue idiegbe ri egbe  
khasẹ, ni a la do itsu shi ukhomhi dolodolo, ali  
ena igolu isoso ali igbanọ itsua ni e somhotse.†  
<sup>4</sup> Ochoghọ, ze ni isomotse oye o khi ona ekelemhi  
udu. Isomhotse ni o ya taa, ni o khi ona ikuegba  
ali ayemhe no pfomhe, ni o ghole Eshinegba ne nya.  
<sup>5</sup> Ina ikpotso eni elele ni e ri egbe da Eshinegba, e li  
ri egbe we shi isomotse, irari khi e nyese ukhomhi  
na edo we. <sup>6</sup> Abi iSera o li mu ekpe na odoli  
Aburaamu ramhi ni o ro lu oli, onomhuemhe. Imi  
oni iSera a khi, ini a da ngeli ingeli enete ne, ni aa  
ro da ze ni ulishi o mu e.†

<sup>7</sup> Igho, eẹ edo, a gue ke ngeli deba ighue e.  
A ri iwomhelo nu we ke ngeli. A lese khi ea  
mhue ekpabo abi eẹ. A gbo lese khi eni e nu e  
mhọli okemhi shi isomhopfa oyi isomhelemhi oyi  
Eshinegba ni o mhọli agbo onogbo e li khi. A gue ri

† **2:25** Li ze Aza 53.6 \* **3:1** Li ze Efi 5.22; iKolo 3.18 † **3:3** Li  
ze 1 iTimo 2.9 † **3:6** Li ze Igbae 18.12

ẹloe ke khu wẹ, ini emhikhoghuo o khi zu iromhi  
oyẹẹ ode. §

*Imẹ-osoli shi onete iriẹlẹ*

<sup>8</sup> Ọzukhomhi ungmehi oyemhẹ khi, ẹẹ nya a  
mhọli udu oghuo, a mhọli ilẹlemhi na egbe, a nono  
ingme egbe abi inyoghuo, a viẹ osoli ke na egbe, a  
ke ri egbe ẹ tiemhile. <sup>9</sup> Khi ri onobe fata onobe. Ini  
ogbo ọ tsue ẹ, khi tsue ọli shi ọ, ochoghọ sọ iromhi  
onete na li. Itobo khi eri Eshinegba ọ luẹ ni u khi  
ogbo oyọli, ni u le ikhivose ugu. <sup>10</sup> Irari khi,  
oni ọ da a nono

ni loli mẹ agbo li  
ali ni loli mhọli  
ebubu ogbẹlẹ enete,  
ọ khi ke ri ẹlẹmhi oyọli  
ngme ingmemhi ebe,  
ali ingmemhi ẹgbhọli.

<sup>11</sup> Ọ mema ya mẹ  
ingmobe na,  
ọọ riẹlẹ onete.

Ọọ mema ya ke  
nono opfomhẹ,  
ọ na khu ọli.

<sup>12</sup> Irari khi eri ukpẹloe  
oyi Ọnọmhue o la  
ẹgbọ eni e guẹ ngeli egbe,  
esọ eyọli e khueghie-a  
shi iromhi ni ẹ sọ,  
ama elemhi e ma bi  
Ọnọmhue deba ẹgbọ ọkhọlọ.\*

§ 3:7 Li zẹ Ẹfi 5.25; iKolo 3.19 \* 3:12 Li zẹ Iwolo 34.12-16



13 Ọghuo ọ ya ri emhi obe li ẹ, ini onete iriẹlẹ o mema ghọle ẹ? 14 Ama ini u tseku mẹ osoli shi onete iriẹlẹ, ikhivoṣe o khi nẹ. “Khi na ulishi ọgbọkhọghuo.” 15 Ama a rọte ekẹ elemhi udu oyẹe rue iJesu abi Ọnọmhue oyẹ ẹ. A ke mu egbe shi ekẹ ẹghẹghẹkpa, ini ọgbọkhọghuo ọ ya mhila ẹ emini irudushi oyẹe o migha nga, ni a gue ọli yẹ wẹ. Ama a ri ipfomhẹ-udu ali ekpe ke sọ wẹ ọ.† 16 Zobẹ ni udu oyẹ o pfuase ishegho ni eni ẹ ngme onobe shi angeli onete oyẹ abi ọni ọ deba iKirisiti, e mẹ omama ingmemhi ipfuẹchẹ ọgbọ-a eyewẹ. 17 Ini o ghọle Ẹshinegba ni u rọ mẹ osoli shi itobọ khi u riẹlẹ onete, o ti dọse khi u mẹ osoli shi ọkhọlọ ni u riẹlẹ. 18 Irari khi iKirisiti ọ ghu-a shi olamhẹ oyi ọgbọkpa utoghuo kpe, ikhi lọli ni ọ pfuase, ọ mẹ osoli na ena umhapfuase, ni ọ rọ rue awa bhale ghi Ẹshinegba. A gbe ọli-a alo gbugbugbu, ama ọ la agbọ elemhi ayemhẹ, a ri Ayemhẹ guise ọli le bhale agbọ. 19 Elemhi ayemhẹ ni ọ la, ọ rọ vu ya tse abọ usomhi onete oyi Ẹshinegba yẹ iyemhẹ ni e la owa ighumha. 20 Iyemhẹ ena e khi eni ẹa suọ esọ, abi Ẹshinegba ọ rọ ri abọ mu udu, ni iNoa ọ rọ khali ọkọ-okẹ oniemi se. Ẹgbọ etu-olale kpele a pfuese elemhi oni amẹ.‡ 21 Oni amẹ o migha shi ibatizi, ona o mie ẹ pfuese memena. Ọa khi ilẹse khue ichimhi idiegbe-a, ama, imhọli udu ni o pfuase deba Ẹshinegba ni ọ tsumhi ẹ rọte irọte eghuli guale oyi iJesu iKirisiti. 22 IJesu iKirisiti ọ she je iloghie, ọ shitọ epfe obọ obita oyi Ẹshinegba, ọ mhese ẹ na igeni ali afu ali ekpabọ ni e la idane.

---

† 3:15 Li zẹ iMat 5.10; Aza 8.12-13    ‡ 3:20 Li zẹ Igbae 6.1--7.24

## 4

*Angeli ni o mu pfi*

<sup>1</sup> Abi o rọ khia khi iKirisiti ọ she mẹ osoli idiegbe, a li mu egbe ni a li ya mhọli angeli oghoḡho, irari khi ọni ọ da ligho mẹ osoli idiegbe ne, ọa ke gbo mhọli emini ọ ri olamhe ẹ riẹ. <sup>2</sup> Rọte memena je odalo elemhi agbo oye, khi gbo ze ni oghuemhe idiegbe oye o mhesẹ ne, ochogho, ze ni u ke ngeli abi Eshinegba ọ li nono ọli shi. <sup>3</sup> A she kpe pfuse ukpokpomhi eghẹghẹ-a je ukhokho rọ ọ riẹ emini eni ẹa miesuọ e riẹ. A la agbo itsebọ ilili, idokonyo, idonyo yesegbe-a, ali idobie, ali ikia-ye-ukue ke da onyo, ali ilitsa igaga. <sup>4</sup> Ama memena, abo e sha we khi aa ke nu we a riẹ ikhiakhiamhi emini ẹẹ riẹ, e ri itobo igho ọ tsue ẹ. <sup>5</sup> Ama khi e mema ya gueye Eshinegba abi e li gbe, oni ọ ya gue ebo ẹzo, shi eni e lao ali eni e ghua. <sup>6</sup> Onana o ze ni a rọ tse abo usomhi onete ye ebo ni e ghua, ni a rọ gue we ẹzo abi a li ya gue ebo na agbo ẹzo, ama eri e la elemhi ayemhe abi Eshinegba ọ la ọ.

*Gue ri ukpeloe ke khu isomhopfa eyi Eshinegba*

<sup>7</sup> Eghẹghẹ ni agbo o rọ ya pfo o she ti ramhi ana. Irarigho, a bino angeli bie ke ngeli ni a dobe toto obo iromhi isoso. <sup>8</sup> Oni o mema mu egbe ne nya khi, a nono ingme egbe ẹ egbegbo, itobo khi eri inono ọo khukhu olamhe ebubu.\* <sup>9</sup> A ke mu egbe ẹ eprese, ni awolo ọa la. <sup>10</sup> Ogbogbo ọ ri isomhopfa ni ọ mhuẹ ke kpaghie onuzava oyoli obo, ọ ri igesikia ke ri eloe khu okhale oyi Eshinegba odekhode. <sup>11</sup> Ini ogbokhoghuo ọ mhọli ungmehi ya ngme, ọ ke

---

\* **4:8** Li ze Ekpi 10.12

ngme ungmehi oyi Eshinegba. Onini o ya kpaghie ogbo obo, o ri itoto ni Eshinegba o ro na li riehe oli. Ni a ro bhale ya e khi a rote obo oyi iJesu iKirisiti ri ikuoghi na Eshinegba odekhode. Lori o mholi ufumhi ali ekpabo rote agboagbo ya je agboagbo. Atse.

*Ime-osoli irari khi u miesuo*

<sup>12</sup> Emole mhe abo e khi sha e shi omufe ni o toto ni a me, abine khi emini aa kpe me ghue a me. <sup>13</sup> Ari ochogho ke ghele khi a li nu iKirisiti me osoli ni o me. Eghenge agho ni a mholi oghere oniemhi, ini a ri ufumhi oyoli khasa. <sup>14</sup> Ini a ri itobo eva oyi iKirisiti ee tsue e, ikhivose o khi ne, irari khi Ayemhe oyi ufumhi ali oyi Eshinegba o nu e la. <sup>15</sup> Ini u me osoli, khi ze ni a bhale ya e khi itobo khi u gbe ugbeli ali itobo khi u do ighiatu, wekhi angeli ikpamhika ali itashingme u ro me osoli. <sup>16</sup> Ama ini u wa me osoli abi oni o miesuo, khi ze ni omama o mu e, ama ke kuoghi Eshinegba irari khi u wa yemhe eva oyoli. <sup>17</sup> Irari khi eghenge o she ramhi ni iguezo o ro ya rote Owa oyi Eshinegba ya gbaekele. Ini o te awa egbe gbaekele, se o ke beshi ya li eni ea mie usomhi onete oyi Eshinegba suo egbe? <sup>18</sup> Abi Ebe-no-pfuase o ngme o li khi,

“Ini o ya munu ni a ro tsumhi  
ogbo ni o gue e ngeli,  
se o ke bie ya li  
egbo okholo ni ea mholi  
Eshinegba egbe?”†

<sup>19</sup> Irarigho, eni ee me osoli, abi o li ghole Eshinegba shi, e ri egbe we mholi Eshinegba ni o ma

† 4:18 Li ze Ekpi 11.31

wẹ ni ọ zẹ ri egbe ẹ nga obọ. E kie ke gbe ikanya enete.

## 5

### *Ude ni a ye Egbhali ali ozele*

<sup>1</sup> Mhi lolo ye ẹ ude, ẹẹ ni a khi egbhali abi mhemhe mhi li khi ọgbhali, ni mhi ri ẹloe me osoli ni iJesu ọ me, ni mhi gbo li ya mholi okemhi shi ufumhi oyoli ini ọ nyene egbe bhale. <sup>2</sup> A ri ẹloe ke khu isumha eyi Eshinegba ni a ro nga ẹ obọ. O ga pfo ẹ udu ke ri ẹloe khu wẹ. Oa khi irari eleli ni u ya me ọ tse, ama abi ọgbọ ni ọ mholi ọghuemhe ugamhi oyi Eshinegba.\* <sup>3</sup> Khi ri itoto mhesẹ na ẹgbọ ni Eshinegba ọ ro nge obọ, ochoghọ angeli o ye o khi irokhokho ni ẹgbọ ke deba. <sup>4</sup> Ini iJesu iKirisiti ni ọ khi Orelọe-khu isumha onofune ọ bhale, ọ ya ri arula oghie ni ọa tigbe ya taa ne.

<sup>5</sup> Eẹ ezele, a li lighọ nyese ukhomhi ke na egbhali. Ọgbokpa ọ ke ti egbe ọli tiemhi eke, àá ga egbe ẹ. Irari khi Ebe-no-pfuase o ngme ghọ khi.

“Eshinegba ọ ma biselemhi  
 ọgbọ ni ọ ti egbọli a nga,  
 ama ọ khi ẹ vose na eni  
 e ti egbewe ẹ tiemhile.”†

<sup>6</sup> Irarighọ, a ri egbe ẹ tiemhile na ekpabọ oyi Eshinegba ni e fune, ni ọ ti ẹ nga idane ini o ramhi oni eghẹghẹ.‡ <sup>7</sup> A zẹ ọtoemhe eye ẹ obọ na Eshinegba, itobọ khi ọ ya rue ẹ ọ le.

<sup>8</sup> A bino angeli bie ke ngeli, àà tokpe, itobọ khi ọbe ẹ ni ọ khi ọkphaghie, ọ kia gasẹ abi odumhi ni

\* 5:2 Li zẹ iJon 21.15-17 † 5:5 Li zẹ Ekpi 3.34 ‡ 5:6 Li zẹ iMat 23.12; iLuk 14.11; 18.14

oṣ khoshe, eri o nono oni o ya mu nyano le. <sup>9</sup> Khi ze oṣi lo e le! Gbe lighi irudunga oye, itobo khi u lese khi eni e miesuo nabi ye ye ni e la elemhi agbo ashakhasha e lili e me osoli enabi enana. <sup>10</sup> Ini u me osoli ukuku eghenge se, Eshinegba na okhale nya, ni o rote iKirisiti lu e shi ufumhi oyoli na agbo agbo, o ya rie le e ti dose abi o kpe li e egbe. O re toto, o mu e mholi re gbelighi. <sup>11</sup> Ekpabo o khi oyoli agbo agbo. Atse.

### *Otse ni o kpukhokho*

<sup>12</sup> ISalasi ni mhi ro shi inyoghwo ni o mholi igesikia o nu mhe keke ebe ona. Eri mhi keke ebe ona ni o a nue ghi e, ro ri udu shi e o ali ni a ro lese khi emiemini a rie me khi egbegbi okhale oyi Eshinegba na. A mu oṣi mhue gagaga. §

<sup>13</sup> Egb o eni e miesuo ni a ze abi ee na eke iBabilo, ee tse e, li shi iMaki ni o limhe egbe abi omimhe.\*

<sup>14</sup> A ke tse egbe e a ri inono ghele mu egbe. Opfomhe o ka nu ee nya ni a la elemhi iKirisiti la.

---

§ 5:12 Li ze Ika 15.22,40  
15.37-39; iKolo 4.10; iFile 24

\* 5:13 Li ze Ika 12.12,25; 13.13;

**Ebe-No-Pfuasę Ishobo Onogbo**  
**New Testament in Ivbie North-Okpela-Arhe**  
**(NI:atg:Ivbie North-Okpela-Arhe)**

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

**The New Testament**

in Ivbie North-Okpela-Arhe

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files  
dated 29 Jan 2022

03be06b0-68fd-500b-b9a9-6bca4b63979a